

## Musci Venezuelenses novi

a Professore C. Goebel collecti  
auctore C. Müller Hal.

1. *Fissidens (Pachylomidium) Goebelii* n. sp.; cespites lati altiusculi pollicares atro-virides laxiusculi; caulis angustifrondeus flexuosus parce divisus; folia caulina laxe equitantia majuscula, e basi angustiore late oblongo-acuminata breviter mucronata, limbo crassiusculo pallido ubique circumducta; lamina vera magna usque supra medium sensim acuminata; lamina dorsalis infra nervum pallidum excurrentem oriunda; omnes laminae e cellulis minutis carnosulis rotundis obscuris areolatae; theca in pedicello brevi crassiusculo erecta minuta, e collo apophysato cylindrica valde constricta igitur ventroso-tumida, operculo conico recte subulato; peristomium in ore magno robustum valde incurvatum.

*Habitatio.* Venezuela, Tovar, circa 3000 ped. altus, Octobri 1890, forsan in humidis.

Fronde angusto nigro-viride longiusculo, foliis pallide limbatis atque capsula ventroso-constricta brevi-pedicellata raptim cognoscendus.

2. *Fissidens (Bryoidium) secundulus* n. sp.; dioicus; caulis perpusillus paucifolius simplex gregarie cespitosus; folia minuta falcato-secula dilute rubiginosa, e basi angustiore oblongo-acuminata acuta, nervo distincto rubiginoso flexuoso exurrente exarata, e cellulis minute hexagonis diaphanis pallide rufulis reticulata, limbo rufulito angusto ubique circumducta; lamina dorsalis infra costam oriunda; lamina vera usque ad medium folii producta; omnes laminae plus minus undulatae; theca in pedicello tenero flexuoso longiusculo erecta minuta angustissime cylindrica, operculo conico, peristomio brevi valde incurvato.

*Habitatio.* Venezuela, Tovar, 1800 m altus, Octobri 1890.

Ob staturam minutam, folia minuta secunda rubiginosa undulata sursum majora reticulata rubrinervia atque capsulam minutam cylindricam rectam pedicellatam facile cognoscendus.

3. *Fissidens (Bryoidium) inclinis* n. sp.; dioicus; caulis perminutus simplex; folia minuta paucijuga (4—5) sursum majora, e basi angustiore latiuscule irregulariter oblonga in acumen longiusculum plus minus recurvatum undulatum acutum producta profunde canaliculata, limbo crassiusculo dilute rufulo flexuoso ubique circumducta, nervo crassiusculo rufo flexuoso exurrente exarata, e cellulis minutis obscuris rotundis areolata; lamina dorsalis ad pedem costae angustissime oriunda; lamina vera majuscula ultra medium folii acute

protracta; theca in pedicello perbrevi tenero flavidio minute ovalis horizontalis. Caetera nulla.

*Habitatio.* Venezuela, Tovar, 1800 m altus, Octobri 1890, in societate *Fissidentis secunduli*.

Specimen solum unicum observavi.

4. *Conomitrium (Weberiopsis) Goebelii* n. sp.; dioicum; cespites latiusculi amoene virides laxiusculi; caulis simplex; folia caulina remotiuscula majuscula, e basi angustiore anguste ligulato-acuminata acuta 6-juga flacidula, nervo angusto flexuoso flavidio ante apicem evanido exarata, e cellulis longis laxiusculis flavo-viridibus utriculo primordiali tenui repletis eleganter grosse reticulata; calycina similia; theca in pedicello flavidio deinceps rubente flexuoso longiusculo tenui erecta minuta, e collo brevi cylindraceo-obovalis leviter verrucosa, operculo conico subulato recto, calyptra conico-mitriiformi glabra; peristomium normale rubrum.

*Habitatio.* Venezuela, Tovar, 1800 m altus, Octobri 1890.

*Conomitrio prosenchymatico* mihi Brasiliensi proximum, sed omnium congenerum maximus. Folia calycina exteriora floris masculi terminalis angustissima constricta flexuosa.

5. *Conomitrium (Weberiopsis) latiusculum* n. sp.; dioicum; perpusillum gregarie cespitosum viridissimum simplex; folia paucijuga remota superne magis aggregata parva, e basi longiuscula angustiore oblongo-acuminata integerrima, e cellulis latis mollibus chlorophyllosis ample-prosenchymaticis reticulata, nervo angustissimo distincto pallido ante apicem evanido carinato-exarata, immarginata; lamina vera ad partem inferiorem oriunda indistincta; lamina dorsalis ad basin costae evoluta; theca in pedicello breviusculo flavidio tenerrimo erecta minuta angustissime cylindrica; peristomium Antennidentis minutum; calyptra conico-mitriiformis minuta glabra, operculum conico-rostratum totum fere obtegens.

*Habitatio.* Venezuela, Tovar, 1800 m altum, Octobri 1890.

Reticulatione folii mollissima chlorophyllosa atque capsula tenerrime pedicellata facile distinguendum.

6. *Conomitrium (Alomidium) subulatifolium* n. sp., dioicum; cespites minuti viridissimi tenelli; caulis perpusillus; folia 4—6-juga remotiuscula minuta, sed longiuscule lineari-subulata acuta, nervo pro foliolo crasso flavidio in subulam excedente flexuoso exarata, integerrima sed cellulis protuberantibus erosula immarginata, e cellulis grossiuscule rotundato-hexagonis flavidis diaphanis reticulata, lamina dorsali pro lege longe supra costam oriunda angustissima; theca in pedicello pro plantula longiusculo tenui flavidio flexuoso minuta erecta cylindracea verrucosa, operculo conico recte subulato; peristomium Antennidentis.

*Habitatio.* Venezuela, Tovar, 1800 m altum, Octobri 1890.

7. *Polytrichum (Eupol. brachycaulia) altisetum* n. sp.; caules gregarie cespitosi, inferne nudiusculi apicem versus dense foliosi graciles simplices; folia caulina humore juniperideo-patula longiuscula e basi angusta elongata albida cellulis longis angustis laxiusculis

reticulata in laminam linear-lanceolatam integerrimam convoluta-  
ceam dorso aculeolis remotis scabram exeuntia, nervo lato in  
aristam longiusculam robustam ferrugineam seberrimam protracta;  
perichaetalia longissime subulata scabra; theca in pedunculo  
longissimo rubente crasso glabro flexuoso parva nutans anguste  
quadrata verrucosa, operculo oblique rostrato, calyptra capsulam  
superante lurida pilosa; peristomii dentes breves albidi densissime  
aggregati.

*Habitatio.* Venezuela, Tovar, 1800 m altum, Octobri 1890.

Surculo gracili breviusculo, foliis longis angustis integerrimis,  
pedunculo altissimo et capsula verrucosa facile distinguendum.

Var. *humilisetum*; laxe cespitosum pollicare gracile vel patuli-  
folium, theca in pedunculo multo breviore tenuiter verrucosa.

*Habitatio.* Venezuela, Tovar, 1800 m altum; Andes Quitenses,  
monte vulcanico Pichincha: Herm. Karsten legit et dedit.

Ex habitu formae typicae perfecte alienum, sed quoad caracteres  
internos ab eadem haud discernendum.

8. *Mielichhoferia gymna* n. sp.; cespites pusilli tenelli lutescentes;  
caulis fertilis brevissimus tenuis, ramulis paucis teneris subclavatis  
comose terminatus; folia caulina dense imbricata minuta lanceo-  
lata, nervo carinato tenui excedente subulata, margine erecto  
denticulata, e cellulis parvis densis in membranam luteam quasi  
conflatis areolata; perichaetalia similia; theca in pedicello per-  
brevi crassiusculo rubro nutans parva, e collo cylindrico-oblonga  
microstoma gymnosta sed anguste annulata minute breviter  
operculata.

*Habitatio.* Venezuela, Cordillera, Tabui, Octobri 1890.

*Bryo polymorpho* ex habitu similis, capsula gymnosta ab  
omnibus congeneribus jam diversa.

9. *Mielichhoferia canescens* n. sp.; cespites pusilli tenelli lutescenti-  
canescentes; caulis fertilis brevissimus tenuis, ramulis paucis teneris  
filiformibus brevibus comose terminatus; folia caulina dense imbri-  
cata humore subplumosa minuta lanceolato-acuminata subulata  
lutescentia deinceps albescentia distincte denticulata, e cellulis  
conflatis areolata; perichaetalia similia; theca in pedunculo longius-  
culo apice laqueato tenui nutans minuta, e collo longiusculo ovalis,  
operculo minuto breviter conico, annulo latiusculo revolubili; peri-  
stomii simplicis dentes breves capillares stricti breves in membrana  
brevi albida.

*Habitatio.* Venezuela, Cordillera, Tabui, Octobri 1890.

10. *Bryum (Sclerodictyum) pycnobaseum* n. sp.; caulis brevis teretius-  
culus rigidus parce ramosus; folia caulina dense imbricata caulem  
julaceum sistentia humore paulisper patula, e basi angustiore  
spathulato-ligulata obtuse acuminata integerrima cochleariforme  
concava, margine ubique erecta, hic illic praesertim inferne flaccida  
undulata, nervo lato rubente superne angusto pallide evanido  
exarata, e cellulis majusculis longiusculis pallide lutescentibus  
basi multo amplioribus laxis teneris reticulata. Caetera nulla.

*Habitatio.* Venezuela, Cumbre de St. Hilario, Octobri 1890.

Ex affinitate *Bryi julacii* et affinium, sed caracteribus laudatis distinctum.

11. *Bryum (Dicranobryum) melanopyxis* n. sp.; cespitulosum pusillum rubiginosum simplex; folia conferta humore patula minuta caulem tenuem sistentia, e basi truncata cymbiformi-lanceolata, margine ubique erecta integerrima, nervo angusto sed distincto intense purpureo excedente apiculata et carinato-exarata, e cellulis laxis teneris longiusculis purpurascensibus reticulata; perichaetalia similia; theca in pedunculo elongato flexuoso apice curvato vel arcuato nigrescente nutans parva atra, e collo brevi tumido-ovalis clavatula, operculo minutissimo aterrino nitido cupulato, annulo lato revoluti; peristomium breve: dentes externi aureo-diaphani breviter subulati, interni in membrana media tenera irregulares capillares plus minus breves saepius singulariter appendiculati.

*Habitatio.* Venezuela, Tovar, 1800 m altum, Octobri 1890.

Ex habitu *Bryi Salaminae* mihi. Caulis saepe stolones teneros minutissime rosulatos minutifolios exmittens.

12. *Bryum (Platyphyllum) andino-roseum* n. sp.; cespites magni extensi robusti luridi; caulis robustus brevis sed prolifer; folia magna rosulam robustam polyphyllam sistentia, e basi angustiore in lamina late oblongam vel spatulatam exeuntia, acumine brevissimo recurvo terminata, planiuscula, margine infero anguste revoluta, ubique lato-marginata apice denticulata nec serrata, nervo lato rubente in acumen evanescente calloso-exarata, e cellulis magnis utriculo primordiali plicato flexuoso robusto repletis grosse reticulata; perichaetalia multo minora longius acuminata; theca in pedunculo longo crasso rubente stricto vel parum flexuoso inclinata vel nutans majuscula, e collo brevi cylindraceo-oblonga clavata, operculo robuste conico rubro nitido; annulo latissimo; peristomium magnum pallide rubens, dentes externi robusti lati dense articulati cristati, interni in membrana alta aequilongi pallide rubentes carinati valde hiantes, ciliis aequilongis binis appendiculatis.

*Habitatio.* Venezuela, Tovar, 1800 m altum, Octobri 1890.

Planta speciosa dioica, foliis breviter acuminatis ob cellulas marginis longas angustas protuberantes denticulatis facile cognoscenda.

13. *Bryum (Argyróbryum) subleucophyllum* n. sp.; cespites pusilli tenelli albidissimi; caulis horridifolius simplex; folia laxe conferta humore patula pro sectione majuscula, e basi angustiore latiuscule ovato-acuminata cochleariformi-concava, nervo angustissimo inferne colorato superne hyalino in subulam longiusculam flexuosam acutam hyalinam excedente setacea, e cellulis basi multis parenchymaticis coloratis superne longiusculis prosenchymaticis laxiusculis hyalinis reticulata; theca in pedunculo pro surculo longo tenui stricto nutans angustissime cylindrica ore constricta, peristomio parvo. Caetera nulla.

*Habitatio.* Venezuela, Cordillera, Octobri 1890 cum fructibus vetustis.

*Bryo leucophyllo* Javensi simillimum sed robustius.

14. *Trichostomum (Anacalypta) Tovarensis* n. sp.; cespites pusilli vix pollicares subcompacti inferne ferruginei superne viridissimi; caulis gracilis crispifolius; folia caulina minuta, humore patula gemmulam minutam cupulatam clausam apice sistentia, ad caulem inferum radiculis ditissimis associata, linearis-ligulata obtusissima, profunde canaliculata integerrima diaphana, nervo longe decurrente pro foliolo crasso rubente superne pallente ante apicem evanido exarata, e cellulis minutis rotundis tenerrime papillosis areolata; perichaetalia innovatione lateralia majora similia; theca in pedicello brevi rubro erecta minuta cylindracea. Caetera nulla.

*Habitatio.* Venezuela, Tovar, 1800 m altum, Octobri 1890.

15. *Campylopus exfimbriatus* n. sp.; cespites latiusculi bipollicares lutescentes nitiduli inferne fusco-tomentosi; caulis gracilis simplex; folia caulina setacea angusta erecto-conferta humore patula, e basi cellulis alaribus planis nonnullis laxis emarcidis ornata angusta in laminam linearis-lanceolato-acuminatam longiuscule subulatam apice tenuiter serrulatam protracta, nervo latissimo laminam ubique fere totam occupante applanato percursa; theca in pedunculo pro genere longiusculo tenui flavidio strictiusculo nunquam recurvatiли erecta parva cylindraceo-ovalis levigata nec sulcata fusca, operculo e basi conica oblique rostrato, annulo nullo, peristomio brevi rubro, calyptra exfimbriata.

*Habitatio.* Venezuela, Sierra Nevada de Mérida, Octobri 1890.

Species ad *Campylopodes capitiflores* pertinens facile distingui potest: surculo gracili luteo, foliis linearis-acuminatis elongate subulatis, pedunculo erecto nec revolutibili, *capsula levi exannulata* atque calyptra integra.

16. *Campylopus percurvatus* n. sp.; cespites latiusculi nitidulo-virides intricati; caulis brevis in comam angustum falcata convolutam setaceam productus; folia caulina horride patula, e basi angusta, cellulis alaribus magnis hyalinis laxis emarcidis in ventrem levem congestis ornata, in laminam anguste lanceolato-acuminatam longiuscule subulatam, ad subulam angustissimam flexuosam tenuiter denticulatam dorso angustissime denticulato-alatam protracta, inferne parum involutacea, e cellulis laxiusculis longiuscule anguste rectangularibus superne minoribus densioribus reticulata, nervo pro genere angustiusculo excurrente percursa; theca in pedicello longiusculo tenui flavidio spiraliter torto campylopodiaceo levi parva arcuato-cylindracea sulcata brevicolla, operculo conico-rostrato, annulo lato revolutibili, calyptra fimbriata; peristomii dentes intense purpurei longi.

*Habitatio.* Venezuela, Tovar, 1800 m altus, Octobri 1890.

*Campylopodi chionophilo* proximus, sed coma cylindraceo involuta valde falcata jam ex habitu diversus.

17. *Bartramia (Bartramidula) nana* n. sp.; caulis perpusillus, ramis brevissimis curvulis teneris paucis comoso-divisus; folia caulina dense imbricata minuta humore patula anguste lanceolata breviter subulata carinato-concava tenuiter serrulata laxiuscula reticulata sed difficile emollientia; perichaetalia majora robustiora; theca in pedicello brevi curvulo rubente glabro erecta minuta globosa gymnostoma microstoma. Caetera nulla.

*Habitatio.* Venezuela, Tovar, 1800 m alta, Octobri 1890.

Synoica? Humilitate atque teneritate partium omnium ab congeneribus facile distingueda. *Bartramidula Fendleri* mihi ex Valencia Venezuelae statura majore foliisque secundis jam differt.

18. *Syrrhopodon (Proliferi) macro-prolifer* n. sp.; cespites albescentes pollicares laxi; caulis tenuis longifolius; folia caulina laxe patula angusta elongata valde flexuosa madore strictiuscula, e basi longa angusta cuneiformi cellulis amplis hyalinis reticulata in laminam plus minus longam linearis-angustatam obtusiusculam sed denticulis nonnullis hyalinis minutis serrulatam acutatam exeuntia, limbo aequali hyalino tenui apicem versus minute denticulato, inferne hic illic interdum dente tenuiter aciculari praedita ubique circumducta, e cellulis minutissimis virentibus areolata. Caetera inquirenda.

*Habitatio.* Venezuela, Cumbre de St. Hilario, Octobri 1890.

*Syrrhopodoni proliferi* proximus, sed haecce species vera Brasiliensis foliorum basi cellulis amplioribus undulatis, limbo multo latiore lurido atque costa crassiore differt. Differentias alias fructificatio certe dabit.

19. *Syrrhopodon (Proliferi) compactulus* n. sp.; cespites compactuli brunescentes tenelli; caulis pusillus; folia caulina eleganter crispatissima breviuscula, e basi elongata longe cuneiformi cellulis ampliusculis hyalinis regulariter quadratis reticulata in laminam breviusculam linearem obtusulam sed hyalino-apiculatam superne denticulatam exeuntia, limbo hyalino angustissimo infima basi obsoleto circumducta, e cellulis minutissimis sordide viridibus areolata, nervo crassiusculo dorso glaberrimo pallide ferrugineo percursa. Caetera nulla.

*Habitatio.* Venezuela, sine loco speciali sed forsitan Tovar: Moritz Coll. I. No. 57 sub *S. proliferi* in C. Müll. Syn. Musc. I. p. 542.

20. *Calymperes (Hyophilina) perinvolutum* n. sp.; caulis perpusillus simplex viridis; folia caulina parva brevia circinnatula, e basi longiuscula cuneiformi cellulis amplis quadratis hyalinis reticulata in laminam brevem cymbiformi-involutam acuminatam acutam exeuntia, e cellulis minutissimis occulto-viridibus areolata, basi anguste marginata integra, nervo lato crasso luteo in collum breviusculum erosulum dorso tenuiter asperulum stellam anomalam parvam gerens statu anomalo producto. Caetera nulla.

*Habitatio.* Venezuela, Tovar, 1800 m altum, Octobri 1890.

21. *Anoectangium weisioides* n. sp.; cespites pusilli tenelli lutescentes laxiuscule cohaerentes; caulis tener simplex; folia caulina perminuta subtorquescenti-crispula humore patula surculum plumosulum sistentia linearia, inferiora remota superiora densius imbricata, e basi usque ad apicem aequaliter linearis-acuminata, acumine brevi obtusulo vel acutiore coronata, integerrima carinato-concava, nervo angusto lutescente excurrente exarata, e cellulis minutissimis rotundis obscuris basi magis luteis areolata dorso tenerime papillosa; perichaetalia pedicellum luteum breviusculum tenerum laterale amplectentia lutescentia glabra; theca in seta minuta erecta ovalis macrostoma gymnostoma, operculo e basi planiuscula oblique rostrato subulata.

*Habitatio.* Venezuela, Tovar, 1800 m altum, Octobri 1890.

Ex affinitate *Anoectangii tenelli* Mitt., *An calidi* Mitt. etc.

22. *Schlottheimia (Trichomitrium) lasiomitria* n. sp.; cespites majusculi laxiusculi ferruginei; caulis radiculosus brevirameus; folia caulina torquescentia humore raptim turgescenti-patula apice recurviuscula, e basi vix angustiore in laminam longiusculam anguste oblongam apice rotundatam, nervo autem profunde canaliculato excedente pungentem exeuntia, valde undulato-rugulosa vel saepius (perichaetalia) levia, e cellulis minutis incrassatis aureis rhomboidalibus basi pellucidioribus levibus areolata; perichaetalia similia; theca in pedicello breviusculo rubro erecta breviter cylindrica levis ferruginea; operculum e basi cupulata longiuscule apiculata; calyptora pilis longiusculis angustis curvulis ferrugineis articulatis hirta; peristomium duplex: dentes externi robusti stricti obscuri longiusculi, linea media longitudinali profunda exarati, dense articulati obtusiusculi, interni plus minus longi capillares rugulosi in membrana brevi positi.

*Habitatio.* Venezuela, Cumbre de St. Hilario, Octobri 1890.

Sporae magnitudinis valde variae globosae virides. *Schlottheimiae Appunii* mihi Guianaæ angl. (ex Humirida Mountains) proxima, sed haecce species foliis tenuiter mucronatis jam diversa.

23. *Macromitrium (Crispata) acutissimum* n. sp.; cespites lati planiusculi intricati virentes; caulis gracilis brevirameus; folia caulina crispula humore crispatulo-patulo longiuscula perangusta, e basi vix latiore in laminam linearis-acuminatam curvatam et recurvatum exeuntia complicata profunde canaliculata, nervo angusto aureo in mucronem plus minus acutum acicularem excedente carinato-exarata, margine ubique erecto integerrima, e cellulis minutissimis rotundis viridulis basi vix majoribus rectangularibus incrassatis pellucidioribus areolata; perichaetalia similia magis subulata; theca in pedunculo brevi luteo glabro erecta parva, e collo brevi oblonga acutiuscule angulata ore constricta, operculo e basi conica longiuscule recte rostrato, calyptora capsulam totam obtegente sulcato-multifida aurea nitida; peristomium duplex rudimentarium abruptum.

*Habitatio.* Venezuela, Tovar, 1800 m alt., Octobri 1890.

24. *Macromitrium (Longifolia) stricticuspis* n. sp.; caulis humilis repens, ramis brevibus horridifoliis; folia caulina siccitate et humore valde patula recurvata longiuscula, e basi usque ad subulam elongatam acutatam linear-i-acuminata angustissima tenuiter serrulata complicata profunde canaliculata margine erecta, nervo aureo excurrente carinato-exarata, e cellulis minutis anguste rectangularibus basin versus longioribus subsemilunatis lutescentibus valde incrassatis vix mammilosis areolata; perichaetalia similia vix longiora; theca in pedicello perbrevi luteo apice curvato erecta parva ovalis levis, peristomio dupli rudimentario. Caetera inquirenda.

*Habitatio.* Venezuela, Cumbre de St. Hilario, Octobri 1890.

Foliis angustissime linearibus subulatis ab omnibus congeneribus facile distinguendum.

25. *Macromitrium (Longifolia) subpaucidens* n. sp.; cespites densi virides inferne fusco-tomentosi humiles; caulis brevis brevirameus gracilis crispifolius; folia caulina valde crispula humore valde patula subrecurvata longiuscula latiuscula, e basi angusta complicato-oblongo-acuminata flexuosa, superne remote breviter dentata, inferne margine anguste revoluta, profunde canaliculata, nervo aureo crassiusculo in subulam brevem subexcurrente percursa, e cellulis minutis rotundis viridis basin versus majoribus aureis magis rectangularibus valde incrassatis grosse mammilosis areolata; perichaetalia similia; theca in pedunculo rubro brevi glabro flexuoso crassiusculo erecta turgide ovalis ore constricta valde sulcata pachyderma fusca deinde nigrescens, calyptra acute multifida aurea nitida glabra sed valde angulata; peristomium duplex rudimentarium. Caetera speranda.

*Habitatio.* Venezuela, Tovar, 1800 m alt., Octobri 1890.

A *M. paucidente* mihi capsula sulcata jam recedens.

26. *Fabronia perimbricata* n. sp.; monoica; cespites lati applanati tenelli pallide virides intricati; caulis perpusillus tenerimus angustissimus teretiusculus; folia caulina siccitate atque humore dense imbricata ab axi fragili difficillime solubilia minutissima, e basi angustiore ovato-acuminata breviter recte subulata carinato-concava, nervo obsoleto exarata, e cellulis parvis longiusculis prosenchymaticis basi hexagonis amplioribus multis reticulata subintegerrima; perichaetalia majora basi pedicellum amplectentia; theca in pedicello brevi tenero luteo erecta minuta ovalis macrostoma verrucoso-rugulosa, operculo minutissimo conico oblique apiculato; dentes brevissimi rubiginosi lanceolati; calyptra glaberrima.

*Habitatio.* Venezuela, Tovar, 1800 m alta, Octobri 1890.

A *F. polycarpa* foliis siccitate et madore dense imbricatis atque teneritate partium omnium jam diversa.

27. *Fabronia glauca* n. sp.; monoica; cespites latissimi glauco-viridisimi intricati profusi; caulis longiusculus ramosus pertenuis fragilis; folia caulina conferta madore valde patula majuscula, e basi

ovata lanceolato-acuminata reticulate subulata carinato-concava integerrima, nervo obsoleto leviter exarata, e cellulis majusculis prosenchymaticis basi parenchymaticis amplioribus reticulata; perichaetalia majora pedicellum amplectentia; theca in pedicello brevi tenero luteo erecta ovalis macrostoma truncata glabra, operculo minuto conico oblique rostellato, calyptra glabra basi reticulata; peristomii dentes perbreves lanceolati rufi.

*Habitatio.* Venezuela, Macuto, Octobri 1890.

*Fabroniae perimbricatae* proxima, sed robustitate, colore, foliis magnis patulis grossius reticulatis atque theca glabra jam remota.

28. *Crossomitrium Goebelii* n. sp.; frons majuscula longiuscula robustula pro genere latiuscula curvula parce ramosula rubiginosa apice solum virescens dense appressa, radiculis aggregatis longiusculis phragmidiaceis robustis praedita; folia caulina majuscula planissima, e basi circinnatulo-rotundata coarctata in laminam late oblonge vel orbiculari-ovatam acumine brevi plicatulo serrulato terminatam exaequata, e cellulis basi laxoribus apicem versus minoribus densioribus reticulata. Caetera deficiantur.

*Habitatio.* Venezuela, Tovar, 1800 m altum Octobri 1890, in foliis adnatum.

E majoribus generis habitu *Cr. Splitgerberi* et affinium.

29. *Crossomitrium tenellum* n. sp.; frons tenella angustissima dichotome ramosissima viridis dense adnata, radiculis tenuibus teneris ramosis nec phragmidiaceis praedita; folia caulina parva angusta, e basi latiuscula indistincte auriculata in laminam oblongo-acuminatam apice acuto vix plicatam tenuiter serrulatam protracta caviuscula, e cellulis longis angustis pellucidis vel viridibus teneris reticulata. Caetera nulla.

*Habitatio.* Venezuela, Tovar, 1800 m alt. in foliis adrepens.

E minoribus generis habitu *Crossomitrium Patrisiae*, radiculis nec phragmidiaceo-articulatis jam distinguendum.

30. *Crossomitrium phragmidiaceum* n. sp.; frons plus minus elongata perangusta tenera flaccida amoena viridis parce ramosa, radiculis longis phragmidiaceo-articulatis strictis robustiusculis praedita; folia caulina parva, e basi rotundato-angustata in laminam oblongo-circularem acumine brevissimo obtusiusculo terminatam tenerime serrulatam producta, e cellulis angustissimis teneris longiusculis reticulata tenera planissima. Caetera inquirenda.

*Habitatio.* Venezuela, Cumbre de Caracas, inter *Lepidopilum* et *Meteoriump Tovariense* mihi associatum.

Species propter radiculas robustas phragmidiaceas atque folia parva orbicularia obtuse acuminulata tenerrima planissima pulchella et distinctissima.

31. *Hookeria (Omalia delphus) Goebelii* n. sp.; cespites lati leucobryacei robusti luridi laxiusculi; caulis crassifolius breviter ramosus, ramis obtusis latiusculis; folia caulina eleganter dense imbricata majuscula valde undulata crispatula, e basi cellulis majoribus

aureis marginata parum angustiore in laminam latiusculam longiusculam oblongo - ligulato - acuminatam, acumine brevissimo obtusulo terminatam exaequata, concava, margine sinuoso - denticulata, nervis binis longis angustis subparallelis carinato - exarata, e cellulis angustissimis longiusculis pallidissimis glaberrimis veluti conflatis areolata; perichaetalia profunde immersa; theca in pedunculo per breve crasso rubro glabro erecta, e collo tumido - ovalis inclinata; exostomii dentes robusti longi valde introrsum curvati linea longitudinali percorsi obscuri, endostomii dentes aequilongi aurei carinati glaberrimi. Caetera nulla.

*Habitatio.* Guiana, ad flumen Parima, 1891 Prof. Goebel legit.

Species inter congeneres affinitatis *Hookeriae crispae* et *H. undatae* ob folia obtuse acuminata et cespitem leucobryaceo-formatum singularis distinctissima, cum nulla alia specie confundenda.

32. *Hookeria (Omaladelphus) Meridensis* n. sp.; cespites lati subcompacti valde intricati luridi; caulis angustifrondeus in ramulos breves divisus; folia caulinata dense imbricata humore patula, e basi parum angustiore oblonga subcucullato - concava, acumine brevi aciculari denticulato plus minus recurvo undulato - criso terminata, tenera immarginata margine erecta, nervis binis angustis valde divergentibus longiusculis instructa, e cellulis parvis pallidescens irregulariter hexagonis teneris tenerrime unipunctatis mollibus reticulata, dorso tenerrime papillosa; perichaetalia multo majora, e basi vaginacea in acumen elongatum subulatum rectum denticulatum protracta; theca in pedunculo elongato nigrescente crasso glabro erecta parva cylindracea ore constricta; calyptra coriacea brunnescens, basi profunde lobata, glabra vel hic illic appendiculis singulis obtecta; peristomii dentes externi longi subangusti stricti reticulato-articulati, interni aequilongi rugulosi.

*Habitatio.* Venezuela, Sierra de Mérida, Octobri 1890.

A congeneribus cespite compacto intricato foliisque parvis teneris hexagono - reticulatis distincta, ex affinitate *Hookeriae crispae* mihi.

33. *Hookeria (Callicostella) Galipanoana* n. sp.; cespites latiusculi virentes vel pallide virides intricati; caulis longe repens ramis brevibus remotis irregulariter pinnatus; folia caulinata parva laxiuscula imbricata humore patula, e basi angustiore ligulato - oblonga breviter oblique acuminata asymmetrica caviuscula, nervis binis divergentibus distinctis pallidis vel lutescentibus longiusculis dorso glabris calloso - exarata, e cellulis minutis anguste hexagonis diaphanis unipapillosis teneris reticulata, margine erecta superne eroso-denticulata; perichaetalia pauca minora magis acuminata; theca in pedunculo elongato crassiusculo rubro apicem versus muriculato minuta inclinata vel subnutans, e collo brevi cylindracea papilloso-rugulosa ore constricta, operculo e basi conica recte rostrato, calyptra albida capsulam superans pedunculum amplectens multifida; peristomii dentes externi angusti valde introrsum incurvati, interni longi stricti pallidi elegantes carinati.

*Habitatio.* Venezuela, Galipano, 6000 ped. alta: A. Trumppff (Hb. Hmp. sub *H. longipedunculata* C. Müll.); Amakovro, Octobri 1890: C. Goebel.

Caule ramosissime pinnato crassiusculo, foliis parvis diaphanis callinerviis, pedunculo elongato semimuriculato atque capsula minuta cylindrica facile distinguenda.

34. *Hookeria (Jungermanniella) amnigena* n. sp.; caulis decumbens ramosissimus obscure viridis, ramis elongatis et brevibus perangustis, varie curvatis subcaudatis; folia caulina laxe disposita remota crispula, humore axin haud obtegentia parva tenera, e basi latiore oblongo-ligulata obtusata vel breviter acuminata varie complicata immarginata integerrima, nervis binis valde divergentibus longiusculis pro foliolo crassiusculis flexuosis percusa, e cellulis amplis laxis teneris pellucide reticulata. Caetera nulla.

*Habitatio.* Venezuela, „an den Ziegeln einer Wasserleitung in der ehemals dem Marquis del Toro, jetzt Erazo gehörigen Besitzung, 23. Junio 1872; aber auch an anderen Wasserleitungen“: A. Ernst.

Species omnes hujus sectionis limnobiae videntur habitu simili praeditae ubi folia parva siccitate crispula humore remota caulem non obtegunt.

35. *Lepidopilum (Mniolepidopilum) mnioides* n. sp.; caulis primarius longe repens flexuosus; rami 1—2-pollicares vel breviores frondosi complanati, basi et apice attenuati, caudati parum curvati mniacei simplices latiusculi; folia caulina laxe imbricata humore patenti-patula majuscula, e basi parum angustiore breviuscula in laminam late ovato-acuminatam longissime flexuose subulatam acutissimam plus minus flaccidam plicatam attenuata, a medio denticulata inde grosse serrata late indistincte marginata, nervis binis latis anguste evanidis longiusculis exarata, e cellulis magnis laxis prosenchymaticis utriculo primordiali robusto plicato repletis basi amplioribus reticulata; perichaetalia multo minora, e basi vaginacea laxe tenuiter reticulata concava in acumen longiuscule subulatum subintegerrimum protracta; theca in pedunculo perbrevi crasso leviter ruguloso rubro erecta parva cylindracea ore constricta, operculo rostrato, calyptre operculum solum obtegente laciniata parce pilosa; peristomii dentes externi angusti subulati rufi dense articulati linea longitudinali destituti margine ad articulos erosi rugulosi, interni aequilongi elegantes stricti longe subulati leviter carinati nec hiantes membranacei pallidi.

*Habitatio.* Venezuela, Tovar supra Caracas altitudine ca. 3000 pedum.

*Lepidopilo excuso* mihi proximum, sed multo humilius.

36. *Lepidopilum (Eulepidopilum) purpurissatum* n. sp.; cespites planiusculi extensi laxi profusi e viridi pulchre purpurei; caulis elongatus angustifrondeus, ramis brevibus vel longioribus curvulis caudatis; folia caulina laxiuscule imbricata squarrulose disposita

patula humore remotiuscula, e basi truncata angustiuscule lanceolato-acuminata plus minus longiuscule curvate subulata caviuscula subnervia subintegerrima plicatula, e cellulis longis pellucidis laxiusculis reticulata; perichaetalia longius subulata; theca in pedunculo breviusculo crassiusculo rufulo glabro erecta parva obconica brevicolla sub ore valde constricta, operculo e basi cupulata oblique rostrato, calyptora  $\frac{2}{3}$  capsulae obtegente laciniata glabriuscula.

*Habitatio.* Venezuela, Cumbre de Caracas, Octobri 1892.

*Lepidopilo aureo-fulvo* mihi ex habitu simile et proximum, sed seta glabra jam longe distans.

37. *Phyllogonium (Leiogonium) Goebelii* n. sp.; longe pendulum ramosissimum, ramis angustissime complanatis cuspidatulis lutescentibus saepius filiformibus curvatis profusis; folia caulinis dense equitantia glabra nitida, e basi rotundato-circinnata cellulis alaribus minutis intense brunneis auriculata in laminam anguste cymbiformi-oblongam complicatam longiusculam oblique mucronatam vel subulatam protractam exeuntia; perichaetalia multo longius rectius subulata; theca in pedicello brevi tenero rubente curvulo levi erecta minuta leviter rugulosa ovalis sub ore constricta microstoma tenella, operculo tenui oblique rostrato, calyptora minuta angustissima glabra; peristomii dentes longiusculi subuliformes dense articulati lutescenti-cornei ad articulos tenuiter papillosi.

*Habitatio.* Venezuela, Cumbre de Caracas.

Species tenella pulchella, ramis angustis, foliis subulatis atque fructibus minutis tenellis ab omnibus congeneribus facile disinguenda.

38. *Priónodon geniculatus* n. sp.; caulis tripollicaris crassiusculus geniculato-ramosus, ramis brevibus dichotome dispositis apice veluti abruptis vel curvulis lutescentibus rigidis; folia caulinis laxiuscule imbricata scariosa, e basi latiuscula valde plicata aurescente angustiore ovato-latiuscule acuminata plus minus longiuscule subulata grosse lobato-serrata planiuscula, nervo infima basi lato aureo apicem versus pallescente ante subulam extremam acutam evanescente percursa, e cellulis ubique valde incrassatis pallide lutescentibus indistinctis ellipticis basi semilunatis longioribus areolata fragilissima. Caetera nulla.

*Habitatio.* Nova Granata, Ocaña: G. Wallis.

39. *Priónodon subgeniculatus* n. sp.; caulis elongatus tripollicaris crassiusculus flexuosus, ramis brevibus remotis curvatis obtusiusculis vel breviter cuspidatibus lutescentibus rigidis; folia caulinis laxiuscule imbricata scariosa, e basi parce plicata et auriculata pallente vel infima basi solum aurea anguste oblongo-acuminata subulata planiuscula breviter serrata, nervo angusto pallente evanescente percursa, e cellulis distinctis rotundis minutis incrassatis basin versus longioribus areolata fragilia. Caetera ignota.

*Habitatio.* Venezuela, Cumbre de Caracas, Octobri 1890.

*A Prionodonte geniculato foliis basi parce plicatis et auriculatis magis pallentibus, multo minutius serratis atque costa angusta pallescente distinctus.*

40. *Priónodon simplex* n. sp.; caulis primarius longe repens, ramis bipollicaribus vel multo longioribus erectis vel curvatis clavatofoliosis crassiusculis obtusis remotis simplicibus interdum modo simili ramosulis divisus; folia caulina dense imbricata humore patula, e basi latiuscula longitudinaliter valde plicata, margine latiuscule revoluto vel planiusculo cellulis permultis propriis rotundis leucodontoideo-areolata in laminam late oblongo-acuminatam breviter subulatam exeuntia brevia, tenuiter runcinatoserrulata acuta, nervo lato pallido in subula flexuose evanido percursa, e cellulis minutis ellipticis maxime incrassatis areolata scariosa. Caetera scrutanda.

*Habitatio.* Venezuela, Valencia: Fendler in Hb. W. S. S. Sullivan No. 100; Tovar, 5500': Moritz.

*Prionodonti denso* simplici Mexicano ex habitu simillimus.

41. *Meteoriū (Orthostichidium) auricosta* n. sp.; caulis pendulus elongatus, ramis brevibus vel longioribus curvulis obtusulis remotis irregulariter pinnatim divisus; folia caulina pentasticho-spirali-imbriata humore patula sed dense equitantia, e basi utrinque auricula majuscula aurea cellulis permultis incrassatis rhomboideis areolata in laminam cymbiformi-oblongam et concavam apice tenuiter denticulato involutaceo breviter apiculatam producta, nervo elongato angustissimo pallido deinceps pulchre aureo exarata, e cellulis angustissimis pallidis serius lutescentibus vel aureis in membranam veluti conflatis indistinctis areolata. Caetera ignota.

*Habitatio.* Venezuela, Tovar, 1800 m altum, Octobri 1890.

Ex habitu *Meteorio subversicolori* (Hpe.) aliquantulum simile, foliis auricostatis ab omnibus congeneribus jam diversa.

42. *Pilosium flaccisetum* n. sp.; cespites lati pallide virides intricati nitiduli; caulis vage ramosus, ramis brevibus latiuscule complanatis; folia caulina laxiuscule imbricata humore valde patula majuscula, e basi brevi constricta ad latus unicum cellulis alaribus majoribus parenchymaticis nonnullis laxioribus pellucidis ornata in laminam cymbiformi-oblongam obtusiuscule acuminatam integrerrimam enervem planiusculam exeuntia, e cellulis longiusculis laxiusculis prosenchymaticis virenti-pellucidis inanibus recticulata; perichaetalia minora, e basi vaginacea in laminam anguste acuminatam longiusculam producta; theca in pedunculo elongato tenui flaccide flexuoso nigrescenti-rubro nutans minuta, e collo brevi ovalis macrostoma siccitate ore valde constricta, operculo conico oblique rostrato; peristomium hypnoideum breviusculum: dentes externi lutescentes cristati valde introrsum incurvati latiusculi, interni angustissimi carinati albidi integri nec hiantes, ciliolis singulis.

*Habitatio.* Guiana, Amakooroo, Octobri 1890.

- Ex habitu ad *Stereophylla accedens*, sed foliis enerviis, quare sectionem *Pilosii* constitui. Species hucusque cognitae sequentes sunt Americae aequinoctialis: *P. longisetulum* ex Guatema, *P. chlorophyllum* (Hsch. sub *Hypno*) ex Brasilia, *P. subchlorophyllum* ex Andibus Peruviae (Spruce Coll. No. 1318), *P. pseudoradiculosum* (*Stereophyllum chlorophyllum*) Mitt. in Spruce Coll. No. 1321 ex Brasilia et *P. Crügerianum* (*Hypnum chlorophyllum* C. Müll. Syn. Musc.) ex insula Antillarum Trinidad. Folia sunt enervia vel obsolete binervia basi constricta alis parenchymaticae reticulatis praedita. Ad *Plagiothecium* species accedunt. *Stereophylla* foliis uninerviis atque reticulatione magis rotunda recedunt.
43. *Taxicaulis* (*Leucoblasti*) *andino-subulatus* n. sp.; caulis elongatus tenerimus gracillimus, ramis longioribus et brevioribus remotis divisus decumbens; folia caulina remota parva subtilia angustissima plus minus patentia, e basi cellulis alaribus destituta in laminam angustissime lanceolatam plus minus subulatam acutam exeuntia enervia tenerrime indistincte denticulata, margine erecta concava nec involuta, e cellulis angustissimis longiusculis pallidissimis areolata. Caetera ignota.

*Habitatio.* Venezuela, Cumbre de St. Hilario.

*T. pseudo-subulata* n. sp.; Domingensi simillimus, sed haecce species robustior, foliis majoribus distincte dentatis.

44. *Rhynchostegium Limnobiella* n. sp.; cespites latissimi laxissimi sordide lutescenti-virides in aqua fluctuantes; caulis elongatus vage ramosus, ramis brevibus robustis strictis vel apice parum curvatis; folia caulina majuscula robustula laxiuscule conferta humore plus minus squarrulose patentia valde complicata, e basi perangusta latiuscule rotundato-ovata, acumine brevissimo obtusiusculo robusto terminata, caviuscula ubique minute denticulata carnosula, hic illic praesertim basi complicata, nervo supra medium evanido vidente indistincto exarata, e cellulis prosenchymaticis densiusculis plerumque veluti conflatis luridis areolata. Caetera nulla.

*Habitatio.* Venezuela, Tovar, 1800 m altum, Octobri 1890, aquam habitans.

*Rhynchostegio aquatico* (Hpe.) Novogranatensi simile et proximum, sed haecce species differt jam foliis orbicularibus obtusulis vix acuminatis atque statura multo robustiore.

45. *Cupressina sanguiseta* n. sp.; cespites tenelli lutescentes intricati molles pusilli; caulis tenuis vage breviter ramosus, ramis teneris valde falcatis; folia caulina laxe imbricata crispatulo-secunda, madore valde patula in axi tenero capillari rubro, pallidissima minuta, e basi brevissima recurvula angustissima, cellulis alaribus 2—3 majusculis vesiculosis hyalinis vel aureis ornata in laminam angustissimam linearis-subulatam falcatam attenuata canaliculata concava integerrima vel ad subulam capillarem tenuissime denticulata enervia, e cellulis angustissimis in membranam veluti

conflatis sed distinctis longiusculis areolata; perichaetalia multo majora e basi vaginacea teneriore in acumen longe subulatum distinete tenuiter denticulatum rectum attenuata; theca in pedunculo longiusculo rubro tenui stricto nutans minuta, e collo angustissimo anguste cylindrica siccitate coarctata, operculo conico rostrato; dentes peristomii externi lutei breves et breviter subulati, interni flavidi haud hiantes, ciliolis singulis.

*Habitatio.* Venezuela, in Cordillera, Octobri 1890.

Ad Cupressinas leptorrhynchas pertinens, teneritate partium omnium et pedunculo sanguineo-rubro longo tenui stricto facile cognoscenda. A. *C. subscabra* m. simili Columbica pedunculo glabro jam differt.

# ZOBODAT - [www.zobodat.at](http://www.zobodat.at)

Zoologisch-Botanische Datenbank/Zoological-Botanical Database

Digitale Literatur/Digital Literature

Zeitschrift/Journal: [Flora oder Allgemeine Botanische Zeitung](#)

Jahr/Year: 1897

Band/Volume: [83](#)

Autor(en)/Author(s): Goebel Karl, Müller Hal. Carolo

Artikel/Article: [Musci Venezuelenses novi 327-341](#)